

باق باق نقدر وجه سما نامتناهی ،
انجم او موالید ضیا نامتناهی ،
سیر ایله نصل خاک فنا نامتناهی ،
طاغلرده ، دکزلرده خفا نامتناهی ،
هر گوشهده اسرار خدا نامتناهی ،
ای لیل مکوکب ، نه مهابتلی جهانسک !

قارشمده مسلسل متوالی نیجه کهسار ،
هر پارچهسی بر نور سیاه ایلپور اظهار ،
پیرامن کهساری اوپر بریم سیار
هر دالغهسی بر اختره آینه دیدار . . .
علویت وزینتله سن ای لیل ضیادار
بر صبح بهشتی به بیاه غبطه رسانسک !

ای لیل مکوکب او سیه زلفه مائل ،
ایتدک نبی بر وصلت جانبخشکه نائل ؛
ایواه سنک وصلکه ده وار نیجه حائل ؛
یلدیزلرک آرتق اولپور مغربه مائل ،
حسنک اوله جق شمدی امیدم کبی زائل
عمرم کبی حیفاکه سریع الجریانسک !

۷ تموز ۱۳۰۸

(Ist. 1327, s. 241-242 ، ظلال الهمام)

علی اکرم

منثور شعرلر

منثور شعرلر خيالخانه مده آچيلمش بر طاقم نازك ، نارين فكرلردر . آنلر نجبه پك
قيمتداردر . چونكه كريبه لرمي ، نشولرمي مصوردرلر . بن آنلري تقديس ايدهرم ؛
چونكه حسياتي ، مطالعاتي ناطقدرلر .

بونلر كيمسه ايچون يازلامشدر ، يازلمق ايچون يازلمشدر ، آنك ايچوندر كه سائرلينك
تقديري ، عدم تقديري آنلر ايچون اهميتسز قالير . ينه آنك ايچوندر كه هر دورلو آلايش
ظاهريدن متجردددرلر . محرري آنلري او قدر عالي بولدي كه تزيناتي لفظيه ايله
تليسنندن حجاب ايتدي .

بو مقاله لري توليد ايدن فكلرلر شاعرانه اولديني ايچون آنلره منشور شعرلر نامني
ويرمك ايستهدم . شعري وزن و قافيه ده آرايانلرك ايدجكلري اعتراض عندمده بر
اعتراض هيچا هيچ قالير .

بو مقاله لرك بعضيسي يكي يازلمش شيلر دكلدر . ايچلرنده اون آلتى ياشمدن بري
قارالانمشلري ده واردر بر فكلرك درجه ترقيسني كوستره جكي ايچون بونلري يازلدقلري
تاريخ صره سيله ترتيب ايتدم ؛ بناء عليه شو زمانه اك اوزاق اولانلر مجموعهنك اولنه
تصادف ايدنلردر . بونلردن قيزارمق لازم كلهيدي ، هيچ بريني نشر ايتدم . بونلري
بكنمه مكله برابر پريشان بر حالده اوتده بريده براقمق بكا خوش كورونمدهدي ؛ بر نام آلتنده
جمع ايتك ايستهدم . شو حر كتم بندن بشقه بريسي دها ممنون براقيزسه تشكر ايدرم .